



JAVNI POZIV

Organizacijama civilnog društva/nevladinim organizacijama za predaju prijedloga projekata koje će finansirati/sufinansirati Grad Goražde u 2019. godini

Na osnovu člana 36. Statuta Grada Goražde („Službene novine Grad Goražde“ broj:5/18), člana 3. Odluke o načinu odabira projekata nevladinih/neprofitnih organizacija po LOD metodologiji („Službene novine Grada Goražde“ broj:9/18), Budžeta Grada za 2019. godinu („Službeni novine Grada Goražde“ broj:9/18), Gradonačelnik objavljuje:

JAVNI POZIV ORGANIZACIJAMA CIVILNOG DRUŠTVA/NEVLADINIM ORGANIZACIJAMA ZA PREDAJU PRIJEDLOGA PROJEKATA KOJE ĆE FINANSIRATI/SUFINANSIRATI GRAD GORAŽDE u 2019. GODINI

Grad Goražde poziva sve organizacije civilnog društva (OCD) / nevladine organizacije (NVO) da dostave prijedloge projekata koji su u skladu sa razvojnim ciljevima grada Goražde, iz slijedećih prioriternih oblasti:

1. Očuvanje životne okoline i unapređenje zdravlja stanovništva
2. Aktivnosti od posebnog značaja za kulturni život,
3. Sportske aktivnosti i takmičenja (liga i kup takmičenja),
4. Projekti koji promovišu zdrave stilove života sa akcentom na aktivnom uključivanju mladih u promotivne aktivnosti i individualnoj odgovornosti mladih za sopstveno zdravlje,
5. Podrška projektima promocije i kreativnosti mladih u svim oblastima,
6. Neformalna edukacija za mlade (kursevi stranih jezika, edukacija iz oblasti likovne umjetnosti, fotografije, muzike, škole i informatike);

Iznosi sredstava za odobrene projekte će biti od min. 1.000 KM do max 10.000 KM (konvertibilnih maraka), ovisno o oblasti za koju se aplicira.

- ❖ Za prioritetnu oblast 1. (ne mogu aplicirati omladinska udruženja i sportske organizacije).

Iznosi sredstava za odobrene projekte OCD iznositi će od **1.000,00 KM – 2.500,00 KM**

- ❖ Za prioritetnu oblast 2. (ne mogu aplicirati omladinska udruženja i sportske organizacije).

Iznosi sredstava za odobrene projekte OCD iznositi će od **1.000,00 KM – 5.000,00 KM**

- ❖ Za prioritetnu oblast 3. mogu aplicirati samo sportske organizacije.

Iznosi sredstava za odobrene projekte sportskih organizacija iznositi će od **1.000,00 KM – 10.000,00 KM**

- ❖ Za prioritetne oblasti 4. 5. i 6. mogu aplicirati samo omladinska udruženja.

Iznosi sredstava za odobrene projekte omladinskih organizacija iznositi će od **1.000,00 KM – 3.000,00 KM**

Svi projekti se moraju realizovati do 31.12.2019. godine.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrirane OCD i NVO (udruženje/udruga ili fondacija), u skladu sa važećim zakonskim propisima u Bosni i Hercegovini.

Sve zainteresovane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u smjernicama za aplikante u okviru javnog poziva.

PREUZIMANJE DOKUMENTACIJE:

Dokumentacija za prijavu na Javni poziv za Grad Goražde se može preuzeti od 01. aprila 2019.godine, lično preuzimanjem u Gradskoj upravi Grada, Služba za društvene djelatnosti, opću upravu i zajedničke poslove - Šalter sala, Maršala Tita br.2, 73000 Goražde ili preuzimanjem sa zvanične web stranice Grada Goražda. (www.gorazde.ba).

Sve potrebne informacije i elektronska verzija cijelog paketa prijavnice dokumentacije može se naći na web stranici Grada Goražde www.gorazde.ba.

PREDAJA APLIKACIJA:

Ispunjena aplikacija (sa kompletnom zahtjevanom dokumentacijom) se mora dostaviti u dva (2) primjerka, u u jednoj printanoj formi i jednoj elektronskoj kopiji (CD ili USB), u zatvorenoj koverti, preporučenom poštom, ili lično tokom radnih dana (ponedjeljak – petak), u periodu od 08:00 do 16:00 sati, sa naznakom: „Za javni poziv organizacijama civilnog društva/nevladinim organizacijama“, na sljedeću adresu:

Grad Goražde:

Služba za društvene djelatnosti, opću upravu i zajedničke poslove

Šalter broj 1

Centar za pružanje usluga građanima grada Goražde

Maršala Tita br.2,

73 000 Goražde

Bosna i Hercegovina

Rok za predaju aplikacija je **29. april 2019. godine, u 16:00 sati**. Aplikacije dostavljene nakon navedenog roka biti će razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv Javnog poziva za predaju prijedloga projekata, puno ime i adresu aplikanta, puni naziv projekta i riječi **“Ne otvaraj, prijava za Javni poziv, oblast br. _____”**.

O primljenoj pošiljci u Gradskoj upravi Grada će se voditi uredna evidencija.

Administrativni troškovi ne smiju prelaziti 20% Budžeta projekta.

Aplikanti su obavezni dostaviti finansijski i narativni izvještaj ako su koristili sredstva Grada Goražda iz prethodne godine po Javnom pozivu.

Rezultati Javnog poziva će biti objavljeni na web stranici Grada Goražde (www.gorazde.ba), kao i na oglasnoj ploči Grada.

Set dokumenata potrebnih za Javni poziv možete preuzeti na sljedećim linkovima:

1. [PROJEKTI PRIJEDLOG](#)
2. [PREGLED BUDŽETA - PRORAČUNA](#)
3. [MATRICA LOGIČKOG OKVIRA](#)
4. [PLAN AKTIVNOSTI I PROMOCIJE](#)
5. [PLAN AKTIVNOSTI](#)
6. [ADMINISTRATIVNI PODACI O APLIKANTU](#)
7. [FINANSIJSKA IDENTIFIKACIONA FORMA](#)
8. [IZJAVA O PODOBNOSTI](#)
9. [LISTE ZA PROVJERU](#)
10. [SMJERNICE ZA APLIKANTE](#)

GRADONAČELNIK
dr.sci. Muhamed Ramović

